

ոմանք՝ երկնքի (Lauer, Syst. d. gr. Mith, էջ 242), ուրիշները՝ երկրի կամ ստորերկրեայ եւ վերջնապէս կան ընդունողներ, որ նա լուսի եւ արեւի աստուածութիւն է (Welcker, Gr. Goetterlehre I 405) :

Մեր անձնական դիտողութիւնները բերում են ուրիշ հետեւանքի :

Եթէ ուշի ուշով կրկտելու լինենք Արէսի շուրջը դիտուած դիցարանական ատաղձը, կը տեսնենք այնպիսի դժեր, հնանիշ ակնարկներ, որ վերաբերում են նրա սկզբնական կեանքին եւ լուսաւորում նրա առաջին քայլերը :

Հոմերոսի մօտ Արէսի մերձաւորը կոչւում է Ենիո, որը նրա համար ե՛ւ մայր է ե՛ւ աջակից կուում (Իլիական Ե. 592) : Այս է պատճառը, որ Արէսը կրում է երբեմն նրա անունը, Ենիական :

Արէսի կապը Ենիոյի հետ հին յիշողութիւն է եւ կարեւոր :

Թւում է, որ Ենիոն կանացի դէմքը ոչ այլ ոք է, եթէ ոչ Ափրոդիտէի նախորդը : Պելագոզական Ափրոդիտէն զբաւել է Թրակացի Ենոյի դերքը Արէսի նկատմամբ : Այնինչ Թերապոս Ափրոդիտէն արդէն Արէսի կինն էր համարւում, լեմնոսում նրա օրինաւոր ամուսինը տակաւին Հեփեսոս(ոս)ն էր եւ Արէսի տարփանքը Ափրոդիտէի հանդէպ ապօրինի էր նըկատուում, ինչպէս երեւում է ցանցի սիրային արկածից, երբ Հեփեսոսը իր խաբուած ամուսին հետապնդում է իր երջանիկ հակառակորդին, Արէսին :

Ենոյի եւ Արէսի մտերմութիւնը չէր մոռացուած դեռ եւս Գ. դարում : Թրակիոյում սովորութիւն կար գերիններին զոհել Արէսին եւ Ենոյին, ինչպէս պատմում է Ամմիան Մարկելինը (XXVII, 44) :

Թւում է, ոչ այս գոյգի յարաբերութիւնը աւելի բարդ է եղել քան Արէս : Եւ Ափրոդիտէի եւ մօտ Ատիս-Կիրելեան սերտութեան : Կարծում ենք, որ Ենիոյի անունն իսկ enn, enuo, ուրիշ բան չէ, եթէ ոչ nana, nina անունն մի այլ ձեւը, եւ պատկանում են այն բառերի թուին, որ Կրիզմէր դիտնականը կոչում է Lallnamen այսինքն՝ մանկական թոթովանք :

Մի քանի դիւրահնչիւն ձայների, որպիսին են պ, մ, ն, կրկնութեամբ կաղմոււմ է մանկական առաջին բառարանը, ուղղուած իր ծնողներին : Ենիո, Նանա նշանակում են մայր :

Արդ՝ յիշենք, որ Նանէ էր կոչւում եւ Ատիսի մայրը Սանգար գետի զարմանալի աղջիկը, որ Ազդիստի կամ Կիբէլի արիւնից բուսած նուռն իր ծոցն առնելով յղացաւ եւ կեանքի կոչեց Ատիսին :

Հաւանական է, որ նման մի առասպել գոյութիւն ունեցած լինի եւ Արէսի վերաբերեալ : Ուլիտի(ոս)ն ասում է, որ Հերան ծնել է Արէսին մի հրաշալի ծաղկից, ուրեմն առանց Զեւսի մասնակցութեան (Fast. V 229) Հերան այստեղ նոյնանիշ է Նանէին եւ ուրեմն Արէսը՝ Ատիսին :

Ուշադրաւ է նաեւ Արէսի կապը վիշապի հետ : Պինդարի հեղինակաւոր վիպութեամբ Արէսի հայրը վիշապն է, եւ նոյնժամայն երկրից եւ Արէսից է ծնուած վիշապը :

Այստեղ երկիրը նշանակ է Երինիսի, որ է Արէսի կինը :

Երինիսը մեզ արդէն յայտնի Ենոյի մի այլ դէմքն է : Միեւնոյն անձը ե՛ւ մայր է ե՛ւ կին, միեւնոյն անձը ե՛ւ հայր ե՛ւ որդի, ինչպէս Արէսն եւ վիշապը — յար եւ նման փոխազական նուիրախորհուրդին յայտնի ձեւակին. ցուլը՝ ծնունդ վիշապի եւ վիշապը՝ հայր ցուլի, որ բերում է Կլեմէստ Ալեքսանդրացին. (Protrept II) :

Նկատելու է, որ օձը մայր աստուածուհու խորհրդանշաններիցն է. սրբազան կենդանի է, որ ապրելով երկրի խորշերում բնականօրէն աստուածուհու մտերիմն է համարւում :

Օձի մի այլ պատկերն է փոխազական Սաազի(ոս) աստուածը, որ մայր աստուածուհու վերաբերմամբ համահաւասար է Ատիսին :

Մի ուրիշ հնանիշ դիժ : Հոմեր(ոս)ը (Իլիական Ե. 385) պատմում է, որ Ալոյաղները բռնեն եւ փակել էին Արէսին «երկաթէ թոնրում, 13 ամիս շարունակ, որովհետեւ նա ըսպանել էր Աղոնիսին որսի ժամանակ : Ալոյաղները, ինչպէս վիպում է իրենց անունը (յուրնարէն) ներկայացնում են հունձն եւ կալ ու կուտը : Նրանց զինակցութիւնը Աղոնիսին, բուսականութեան տիրոջ, հասկանալի է : Արէ-